

黑龍江府縣志輯

中國地方志集成

民國呼蘭縣志
光緒二十九年刻本



中國地方志集成

黑龍江府縣志輯 ②

民國呼蘭縣志

光緒阿勒楚喀鄉土志

鳳凰出版社 ● 上海書店 ● 巴蜀書社

呼蘭縣志

總目

卷首

序

凡例

纂修職員姓氏錄 附督修暨同人合影

圖

呼蘭縣大事年表

卷之一

地理

卷之二

職官

卷之三

司法

卷之四

民治

卷之五

財政

卷之六

武備

卷之七

外交

卷之八

交通

郵員救刃義 捐資救國同人合撰

卷之九

教育

卷之十

實業

卷十一

禮俗

卷十二

宗教

卷十三

慈善

卷十四

物產

卷十五

人物

卷十六

藝文

宗姓

卷十七

職官

卷十八

實業

卷十九

雜著

卷二十

呼蘭縣志

序

自來修志書者每嫌詳於古而略於今古有圖經書籍可考今則事跡繁多凡窮鄉僻壤遺聞逸事既採訪之難周復傳聞之失實無徵不信多聞闕疑致湮沒而不彰者比比焉考呼蘭漢晉爲肅慎元魏北齊周爲勿吉黑水部隋爲黑水靺鞨唐爲黑水都督府地遼爲生女眞部節度使地金爲上京路活刺渾河猛安元爲諸王幹赤斤分地明爲兀者衛忽刺溫江清光緒初始設廳閱三十年升府舊有府志所叙沿革猶慮弗詳民國改縣未遑重修歲己巳夏廷選忝縮民政見各縣尙未有志乃通令速修 廖守仁邑宰卽與地方士紳籌備設館博訪周諮閱

一年而歲事都十有六卷分地理職官司法民治財政武備外
交通教育實業禮俗宗教慈善物產人物藝文爲十六門燦
然大備頗能詳舊府志之所略足以徵古今而不惑者也書成
以廷選曾令督修郵函乞叙遂書以弁其端

中華民國十有九年十一月中澣伊通劉廷選

晉益蕭則元駿北齊周益以吉黑水暗剖益黑水輝輝想益黑
尖寶無端不言冬間關環登野野而不遠許北北語卷初蘭苑
限率制製冬只滾凝細製豈問嚴事鴉社焉之嚴風更將問之
自來志志書卷再凝藉外古而細外今古官圖登書謙阿善今

序

郡邑之有圖志由來尙矣采風問俗臚列備書其事之重且大者上備國史輜軒之擷餘亦考古者之所資也職方氏掌天下之圖班孟堅叙地理之志徵文考獻鉅細靡遺而述往詔來彰善瘴惡因革損益遠察近觀爲政者得以裒益調劑救弊補偏胥於志書是賴志之所關不綦重哉呼蘭地處朔方幅員廣漠居松江之北岸扼邊塞之要衝當設立縣治之始草萊初闢屯墾漸興招集佃農叢聚村落椎輪大輅先具雛形畫井分疆此爲嚆矢比年以來加之以撫綏安輯休養蕃滋通商惠工育才興學日新月異遂蔚然成邊防之劇邑矣庚申之歲 玉科 捧檄來權斯邑睹人物之繁興溯建設之沿革每思懷鉛掘槧紀載

流傳惜爲時未久受代而去有志未逮良用歉然予友廖君守仁賢吏也於戊辰歲調任斯邑期年報政百廢俱舉治理餘暇爰集邑紳商權編輯縣志採訪撰述各有專司全書計分十六總目又以其類附爲子目都凡十有六卷校勘既竟函來索序予自愧任職無狀未克成茲盛舉今藉廖君椽筆之力鴻篇巨製勒爲成書乃得列名簡末附驥而彰此予所引爲深幸也夫
中華民國十有九年十二月

河北省政府委員兼民政廳廳長前知呼蘭縣事錦縣王玉科
謹序

前國史館編纂之辭籍亦著古者之視資也雖式乃掌天不
縣邑之百圖志由來尙矣采風問俗編圖論書其事之重且大

刊

序

民國十八年秋我呼蘭縣縣長廖公守仁謀修縣志時余解組家居僉推余主其役余謂修志難修呼蘭志尤難呼蘭於江省置城最早其間由軍府而郡縣由封禁而開闢凡疆域之分析政治之變更其紛糾殆不可理而又文獻闕然無可徵考余老矣烏足以任之而廖公曰難固難矣尙希勉爲其難且所以挽君者領其事耳秉筆之役當別物色能者以佐君余曰然則編輯誰也廖公曰有柯賓谷者前者教育局長蘇景呂曾言之謂與余同鄉籍余固未之識欲延之而猶未果也余因問景呂則亦與柯君不相識特神交耳乃出其文讀之余爲心折謂景呂非謬舉者遂決延之爰於是年十月開館發凡起例從事於纂

述七越月而全書粗脫稿雖討論修飾尙需時日然竊自念有以復廖公矣抑余已衰老回憶少年時亦頗思於國家有所建樹卽就呼蘭地方事言之舉凡教育警察以及財政皆曾啓其端而未竟厥緒清光緒庚子間嘗以一書生辦鄉團展轉於暴俄迫脅之下馳逐於悍寇縱橫之時亦復無尺寸功堪酬桑梓今則垂暮之年方期偃息待盡幸賴我廖公之督責鄉人士之推進而又得柯君與諸同人之贊助竟爲我呼蘭成此一縣之書將來掛名簡端附以不朽未始非余之厚幸也故聊叙其緣起至書中義例果有當大雅否尙希就正於君子

呼蘭高玉堂謹撰

中華民國十有九年五月中澣呼蘭高玉堂謹撰

序

政權統一文化棣通上自中央以及省府舉凡法律之制定政治之措施莫不周詢各方土之情形以相比較而爲依據卽各文化機關自中央大學院下至各省縣市政府所立之圖書館亦莫不廣搜各方土之志書以資參考而供當代學者有所制作用貢獻於社會以故飛鵬自長呼蘭來凡以文書索志乘者幾於無月無之飛鵬愧無以應也非第無以應而已夫從政者而不知地方形勢與其民間之習俗狀況則亦猶瞽者無相俛俛乎其何之考呼蘭故有府志爲前知府崇仁黃氏申甫所纂雖經印行顧以其書爲黃氏之私家著述呼蘭絕少傳本且方志固具有時間性國體旣更法制屢變呼蘭早夷爲縣府志殆

已成過去物矣然則應當代之徵求備居官之考鏡則於縣志
之修烏能已已飛鵬爰本斯旨嘗招集縣人士謀之僉以爲可
遂開館而從事焉既脫稿又慮採訪之或有舛誤編纂之未盡
翔寔也復招集縣人士組織審定委員會相與糾正考訂凡其
年而全書乃告成計共十有六卷其體例略具於簡端雖未必
有當然亦庶幾足以應當代之徵求備居官之考鏡矣抑飛鵬
竊因是役有所感焉天下事莫不難於創始去年當縣志館之
初闢也未幾中俄風雲突起呼蘭密邇邊陲當是時也警報紛
傳羣情疑阻甚有謂不應事此不急之務者飛鵬竊以爲經費
已籌若輟於中途則從前爲虛糜而此後興作更遙遙無期遂
堅持不爲動與同人約刻期竣事幸賴諸同人之諒解亦能夙

夜在公共同工作遂獲成編惟以倉卒卒役雖經縣人士之審
定訛漏之處仍所不免後有作者其以此為大輅椎輪可也
中華民國十有九年十一月既望呼蘭縣縣長商城廖飛鵬謹
撰

云爾

爾亦願官今古莫宜公樹茲編參諸前限代庶用矣茲歸國得各之也
志書歸國要亦因和變版古破危也靈善善志歸國之善術內主主奉為蓋本
更志歸國變和蘭亦且為靈變矣志不財庶用對本志有通系歸國之心與
善形擬亦付以和蘭歸國本各案與式奉為善歸國又兼入五則來以歸國
一和蘭歸國志書宣歸國賦歸國黃中甫歸國歸國志十二卷其書與歸國志
八四

呼蘭縣志

凡例

- 一 呼蘭故無縣志清宣統間知府黃申甫維翰輯有府志十二卷其書原係私家著述雖亦付刊呼蘭絕少傳本考索地方掌故者憾焉又兼入民國來政體既更法制屢變呼蘭亦且改爲縣矣府志不復適用故本志有亟須編輯之必要
- 一 志書體例要在因時變通古如武功靈壽等志體例之善海內往往奉爲藍本顧亦頗有今古異宜之處茲編參酌羣籍期於適用冀爲體國經野者之助云爾

- 一 輿地非有圖不能資印證呼蘭故無精詳輿圖此次本擬延攬專門人才實行測量後以絀於經費未果茲所載圖以十五年省清丈局所製之圖爲主而以最近縣公安局所製之圖輔之又招集地方各鄉耆加以糾正用開方計里法繪之大體似尙精詳

一 志之有表可省記述之繁自史記創十表年代世次莫不井然後人益加推闡而表之用乃廣茲編於事之頭緒糾紛者皆馭以表而又綜核自置呼蘭城以來爲縣大事年表附焉覽者庶可一目了然

一 傳之爲體所以論列地方人物顧人物之論列例須蓋棺生存之人若實有功業於地方則因事別書之不爲立傳惟烈女目中凡婦人守節雖尙生存而年事已符者不在此例

一 本志目錄計總目十有六即分爲十有六卷總目之下各以其類附爲子目其總目之前又復各弁序言凡體例之未盡者率散見於各序言中茲不備著

一 志書考衷古界難廣徵藏書難會稽章實齋氏蓋嘗言之呼蘭故爲荒徼其歷代沿革僅約略可稽又兼邊縣藏書之家不多徵集非易而又倉卒成編訛漏之處知所不免尙希海內博淹君子正之

一 呼蘭自清初置城以來二百餘年所有旗署舊檔率屬清文黃申甫氏輯府志